

Danezana gerdûnî ya mafên mirov

Dîbaçe

Herwekî nasîna weqara pêgirê hemû endamên malbata mirovî û mafên wan ên wekhev û (jênager) bingehe azadî, dad û aşîtiya cihanê pêk tîne,

Herwekî nenasîn û piçûkdîtina mafên mirov rê dan barbar ku wijdana mirovhiyê didin isyanê û avakirina cihaneke ku tê de ewê heyinên mirovî di peyivîn û bawerkirinê de serbest bin, ji xof û belengaziyê rizgar bin wek xweziya bilindtirîn a mirov hate îlan kirin,

Herwekî bingehî ye ku mafên mirov ji alî rejîmeke hiqûqî bên parastin ji bo ku mirov mecbûr nemîne, wek çara dawîn, li dijî zorkarî û zulmê rabe,

Herkekî teşwîqa pêşvebirina peywendiyên dostaniyê di navbera neteweyan de bingehî ye,

Herwekî gelên Neteweyen Yekbûyî di Destûrê de ji nû ve bawerîya xwe ya bi mafên bingehî yên mirov, di nav weqar û rûmeta kesê mirovî de û di wekheviya mafên mêr û jinan de, dane zanîn û diyar kirin ku ew biryardar in ku arikarî bidin pêşveçûna çivakî û bicihkirina mecalên çêtir ên jiyanê di nav serbestiyeke mestir de,

Herwekî dewletên endam qewl dane, ku bi hevkarîya Teşkilata Neteweyên Yekbûyî, riayeta gerdûnî û fiilî ya mafên mirovî û azadiyên bingehî ewle bikin,

Herwekî têgihîştîneke hevbeş a van maf û azadiyan ji bo bi temamî bicihanîna vê teahudê ji giringiya bilindtirîn e, Civîna Gelemperî vê Danezana Gerdûnî ya Mafên Mirovî

wekî îdeala hevbeş a ku hemû gel û hemû netewe dixwazin bighênê ji bo ku hemû kes û hemû organên civakê, ev Danezan timî di bîr de, bi hinkirin û hêvotinê bixebitin ku riayeta van maf û azadiyan pêşve bibin û bi tedbirên berebereyî yên neteweyî û navneteweyî, nasîn û bicihanîna gerdûnî û fiilî yên wan him di nav gelên dewletên endam bi xwe him di nav yên erdên ku li jêr hukmê wan de ne ewle bikin.

Bend 1

Hemû mirov azad û di weqar û mafan de wekhev tînin dinyayê. Ew xwedî hiş û şûûr in û divê li hember hev bi zihniyeteke bratiyê bilivin.

Bend 2

Heryek, bê tu cihêyî, nemaze ya nijad, reng, zayend (cîsn), zîman, ol, ramana siyasî an her ramana din, eslê neteweyî an civakî, serwet, zayîn an her rewşeke din, xwediyê hemû maf û hemû azadiyên ku di vê Danezanê de hatine daxuyankirî ye.

Bi serde, ewê tu cihêyî neyê kirin ji ber statuya siyasî, hiqûqî an navneteweyî ya welat an erdê ku kesek jê tê, heke ev welat an erd serbixwe, li jêr dest, ne xweser (otonom) an li jêr her tahdîda din a serweriyê be an na.

Bend 3

Herkes xwedî mafê jiyan, azadî û ewleyîya Şexsê xwe ye.

Bend 4

Ewê tukes di koletî an bindestiyê de neyê girtin; koletî û bazirganiya koleyan bi hemû teşeyên xwe ve qedexe ne.

Bend 5

Ewê tukes nebe tabîê şkence an ceza û muameleyên hov, namirovî an xirabker.

Bend 6

Herkes xwediyê mafê nasîna li hemû ciyan a Şexsiyeta xwe ya hiqûqî ye.

Bend 7

Hemû mirov li ber qanûnan wekhev in û bê ciheyî xwediyê mafê parastîneke wekhev a qanûn in. Hemû mirov li hemberî her cihêtiya ku vê Danezanê ihlal dike û li hemberî her navtêdana cihêtiyeke wilo xwediyê mafê parastîneke wekhev in.

Bend 8

Herkes maf heye ku li hemberî kirinên ku mafên bingehî yên ku qanûna bingehî an qanûn jê re dinasin ihlal dikin, serî li mehkemeyên neteweyî yên selahiyetdar bixe.

Bend 9

Tukes nikare bi awayekî kêfî bê girtin, hebs an sirgûn kirin.

Bend 10

Herkes, di wekheviyeke temami de, maf heyê ku doza wî li ber mehkemeyê serbixwe û bê alî bi awayekî adil û eşkere bê bihistin ji bo diyarkirina maf û wacibên wî û ya her tawana curmî li dijî wî.

Bend 11

Her kesê ku bi kirineke curmî tê tawanbar kirin bêrî tê hesibîn ta ku sûcê wî di mehkemeyê eşkere, ku hemû garantiyên ji bo parastina wî pêwist ewle kiribe, bi awayekî qanûnî were îsbat kirin.

Tukes nayê ceza kirin ji ber kirin an nekirinên ku di gava pêkhatina xwe de li gora qanûna neteweyî an navneteweyî ne sûc bûne.

Bend 12

Nabe ku tukes bibe amanca têkilbûnên kêfî yên nav jiyana wî ya arizî, malbata wî, mala wî an nameyên wî, an ziyangihandina Şeref û Şana wî. Herkes xwediyê mafê parastina qanûn e li hemberî têkilbûn û ziyangihanên wilo.

Bend 13

Mafê her kesî heyê ku di nav tixûbên dewletekê de bi serbestî hatûçûnê bike û cihê mayîna xwe bibijêre.

Herkes maf heyê ku ji her welatî, yê wî bi xwe jî tê de, derkeve û vegere welatê xwe.

Bend 14

Herkes maf heyê ji ber zordestiyê li welatên din daxwaza penahê bike û bibe penabêr.

Ev maf nikare bê xwastin ji bo taqîbatên bi rastî ji ber sûceke adî an ji ber kirinên dijî amanc û bingeheş Neteweyên Yekbûyî.

Bend 15

Herkes maf heyê bibe xwediyê netewahiyekê (miliyetekê).

Tukes nikare bi awayekî kêfî ne ji netewahiya xwe ne ji ji mafê netewahî guhartinê bête bêpar kirin.

Bend 16

Ji temenê (emrê) balixiyê pê ve, mêr û jin, bê tu tahdidên ji ber nijad, netewahî an olê, maf hene ku hev mehr bikin û malbatek deynin. Li hemberî zewacê, di domahiyê zewacê û di dema berdanê de ew xwedî mafên wekhev in.

Mehr tenê bi erêkirina serbest û temami ya jin û mêr dikare bête birrîn.

Malbat hêmana xwezayî û bingeşî ya civakê ye û xwedî maf e ku ji alî civak û dewletê ve bête parastin.

Bend 17

Herkes maf heyê ku bi serê xwe an tevî kesên din bibe xwedî mulk.

Tukes nikare bi awayekî kêfî ji mulkê xwe bête bêpar kirin.

Bend 18

Herkes mafê azadiya fikr, wijdan û olê heyê; azadiya ol an bawerî guhartin û azadiya ol û baweriya xwe bi tenê an bi hev re him eşkere him arizî, bi hînkirin, emel, îbadet û bicihanîna ayînan nîşandaneş ji di nav vî mafî de ne.

Bend 19

Herkes mafê azadiya fikr û îfade heyê; mafê ji ber ramanên xwe nehatin eşandin û herweha mafê bêt nasîna tu sinoran û bi her cure navgînan li agahdariyan û fikran gerîn, wan bi dest xistin û îfade û belavkirin dikevin nav vî mafî.

Bend 20

Herkes mafê azadiya aramane civîn û komelê danînê heyê.

Tukes nikare bête mecbûr kirin ku bibe endamê komeleyekê.

Bend 21

Mafê her kesî heye ku rasterast an jî bi riya nemînendeyên xwe yê bi serbestî helbijartî di hukûmeta welatê xwe de beşdar bibe.

Herkes maf heye ku di mercên wekheviyê de ji xizmetên giştî yê welatê xwe kelk (istifade) bigire.

Viyana (îradeya) gel bingeşê otorîteya hukûmetê ye; divê ku ev viyan xwe di helbijartinên durust ên ku di demên dewrî de, bi raya gerdûnî, wekhev û dengdana dizî an li gora awayeke hevrûmet a ku azadiya dengdanê ewle bike, xwe diyar ke.

Bend 22

Herkes, wekî endamê civakî, mafê ewleyiya sosyal heye; Ew mafdar e ku bi riya xebata neteweyî û hevkarîya navneteweyî û li gora tenzîm û hatiniyên her dewletê, doza bidestxistina mafên aborî, civakî û çandî yê ku jo bo weqara wî û geşbûna serbest a şexsiyeta wî ferz in, bike.

Bend 23

Herkes mafê xebatê, serbest bijartina xebata xwe, şertên adil û musaid ên xebatê û parastina li dijî bêkariyê heye.

Herkes, bêî tu cihêyî, maf heye ku ji bo xebateke wekhev heqek wekhev bistîne.

Herkesê ku dixebite mafê meaşek adil û têrker ê ku dikaribe ji wî û ji malbata wî re jiyaneke şayanê weqara mirovî ewle bike û heke pêwîst be bi îmkanên din ên parastina sosyal bê temam kirin, heye.

Herkes maf heye ku ji bo parastina menfaetên xwe sendîka deyne û bikeve nav sendîkan.

Bend 24

Herkes mafê bihndan (istirahet) û demên serbest û nemaze tahdîdeke maqûl a dema xebatê û tatîlên dewrî yê bi meaş heye.

Bend 25

Herkes mafê sewiyeke jiyânê ku têra ewlekirina saxî û rehetîya wî û ya malbata wî bike heye, nemaze ji bo xwarin, lixwekirin, mal, lênerîna tîbbî, wisa jî ji bo xizmetên sosyal ên pêwîst û mafê ewleyiyê di rewşa bêkarî, nexweşî, seqetî, bîti, pîrî an di rewşên din ên windakirina îmkanên xwe yê jiyânê ji ber sedemên dervavî viyana wî.

Dêyîti û zarotî mafên arîkarî û lénêrîneke taybetî hene. Hemû zaro, çî yê di zewacê de bûyî çî yê dervavî zewacê, xwediyên eynî parastîneke civakî ne.

Bend 26

Herkes mafê hînbûnê heye. Divê ku hînbûn belaş be, qet nebe hînbûna destpêkî û bingeşî. Divê ku hînbûna teknîk û meslekî bi firehî belav be û xwendina bilind bi wekheviyeke temamî ji hemû kesan re, li gora Şehrezayîya wan, vekirî be.

Divê ku hînkirin geşkirina temamî ya şexsiyeta mirovî û xurtkirina siyaseta mafên mirovî û azadiyên bingeşî amanc bigre. Divê ku ew arîkarî bide têgihîştin, musameha û dostaniya nav hemû netewe û hemû komên nijadî an olî, wisa jî pêşveçûna çalakîyên Neteweyên Yekbûyî ji bo xwedîkirina aşîtiyê.

Dê û bav xwediyê mafê pêşîkî ê bijartina cureyê hînbûna zarokên xwe ne.

Bend 27

Herkes mafê bi serbestî beşdarbûna jiyana çandî ya civakê, ji huneran kelkgirtinê û beşdarbûna pêşveçûna zanistî û encamên wê heye.

Herkes mafê parastina menfaetên manewî û maddî yê ku ji ber berhema zanistî, edebî û hunerî ya ku ew bi xwe çêkerê wê ye heye.

Bend 28

Mafê her kesî yê ji bo nîzameke civakî û navneteweyî ya wisan heye ku maf û azadiyên di vê Danezanê de berpêşkirî bikaribin tê de bi temamî bêne cih.

Bend 29

Herkes erk (wezîfe) hene li hember civakê, ya ku tenê tê de geşbûna serbest û temamî ya şexsiyeta wî mimkin e.

Di bikaranîna maf û azadiyên xwe de heryek tenê bi hukmên ku qanûn tenê ji bo ewlekirina nasîn û qedrê maf û azadiyên kesên din û ji bo bicihanîna xwastiniyên rast ên exlaq, pergala giştî û refêha gelemper di civakeke demokratîk de daniye, tê tahdîd kirin.

Ev maf û azadî, di tu rewşê de, nikarin li dijî amanc û bingeşên Neteweyên Yekbûyî bîn bi kar anîn.

Bend 30

Tu hukmekî vê Danezanê nikare bê tefsîr kirin wekî ku tu maf dide dewletekê, komekê û kesekî ji bo kirina karekî an pêkanîna kirinekî ku rakirina maf û azadiyên ku tê de hatine berpêş kirin amanc bigre.

